

IZARO BIKERS BERMEO TALDEAGAZ LANKIDETZA HITZARMENA

Bermeon, 2019ko abuztuaren 7an

JURDANA URIARTE LEJARRAGA Aº, Bermeoko Udaleko Idazkari Orokorraren
aurrean,

BATU DIRA

Alde batetik, ARITZ ABAROA CANTUARIENSE Jauna, [REDACTED]
zenbakiduna, Bermeoko Udaleko Alkate-Udalburua

Beste aldetik, EMILIO HORMACHEVARIA URIARTE Jauna, [REDACTED]
zenbakiduna, Izaro Bikers Bermeo taldearen presidentea

PARTE HARTZAILEAK

ARITZ ABAROA CANTUARIENSE Jauna, Bermeoko Udalaren ordeztu eta izenean,
2019ko uztailaren 26ko 1.760 zenbakidun Alkatetza Dekretuz hartutako erabagiari jarraiki
eta Toki Errejimeneko Oinarrien Legearen 21.1. b) eta r) artikuluek emondako
ahalmenaren arabera, eta

Beste aldetik,

EMILIO HORMACHEVARRIA URIARTE Jauna, IZARO BIKERS BERMEO
TALDEAREN ordeztu eta izenean, [REDACTED] zenbakidunak, Alkarteak emoten deuteson
ahalmenaren arabera.

(I. eranskinean, izendapena eta karguaren ahalmenak jasotzen dira).

ADIERAZTEN DABE

Bermeoko Udalaren helburu estrategikoen artean, 5.a, herritarrak kulturaren
parte eta jabe izatea da. Eta 5.2. helburuak proposatzen dau kultura egitaraua indartsua
bultzatzea herriko taldeekaz koordinazioan.



Herriko Izero Bikers Bermeo taldea 2008 urtean sortu zan, motorraren erabileraren alde eta irteerak antolatuz gain, giza eta kirol ekitaldiak bultzatzen dabe, motorzaleen kutsu solidarioa azalarazteko.

Izero Bikers taldeak, alde batetik, euren kideentzako hainbat ekitaldi antolatzen dauz. Bestaldetik, taldekideek, boluntario lana egiten, herriko ekitaldi askotan parte hartzen dabe, ezinbesteko laguntza eskaintzen, hala nola Erregeen kabalgata, Arrain Azokako guneko solidarioan, Herri krosan, Demiku martxan,...

Talde honen ekitaldi nagusia, Magurios motorren konzentrazinoa da eta 2019 urtean, jaialdiaren hamargarren edizinoa ospatzeko, ekitaldi handiagoa egitea proposatu dabe.

Ondorioz, alderdi bien lankidetzeta eta Bermeoko Udalak emongo deutson dirulaguntza arautzea da hitzarmen honen helburua.

ERABAKITZEN DABE

LEHENENGOA.- Hitzarmenaren xedea.

Bermeoko Udalak Izero Bikers Bermeo taldeari lagunduko deutso Magurios konzentrazinoaren antolaketan, 2019 urtean, non stuntman bat egongo da, Mojinós Escozios taldearen kontzertua, Ohian Vegaren diskoteka, eskulaldetik motorren ibilbideak, beste ekitaldi batzuren artean.

Izero Bikers Bermeo taldeak, urtean zehar bere laguntza eskainiko dau herrian antolatzen diran ekitaldi ezbardinetan: kultur, kirol eta gizarte laguntzarako ekitaldiak.

BIGARRENA.- Programa eta ekimenak.

Garatuko dan adostutako programa zehatza, euren xedea, arduraduna, iraupena, II. eranskinean jasotakoa izango da.

HIRUGARRENA.- Dirulaguntzaren zenbatekoa.

Zio hau bide dala, Bermeoko Udalak zortzi mila euro (8.000 €) ordainduko deutsoz Izero Bikers Bermeo taldeari. Diru kopuru hau guztira ordainduko da, 2019. urte barruan, aurrekontuaren 00400-33410-481.01.33 partidaren pentzura, hain zuzen. Ordaintzeko



modua honakoa izango da: hitzartutako % 80a (6.400 €) hitzarmena sinatu eta gero eta beste %20a (1.600 €), dirulaguntza behar dan moduan justifikatu ondoren.

LAUGARRENA.- Dirulaguntzaren ezaugarriak.

Dirulaguntzak borondatezkoak eta aldi baterakoak izango dira. Baten emoteak ez deutso derrigortasunik eragingo Bermeoko udalari, eta ez dau beste urte batzuetarako eskubiderik emoten ez aurrekaririk ezarten.

Dirulaguntza ezin izango da gehitu ez berrikusi (ezin da erreklamaziorik egin).

BOSGARRENA.- Izaro Bikers Bermeo taldeak bete beharreko baldintzak.

Izaro Bikers Bermeo taldeak honako baldintza honeek beteko dauz:

- a) Ekainean, Magurios konzentrazioa antolatu, adin guztietako herritarrei eskaintzeko eta Bermeora, kanpoko jendea erakartzeko, motorzaleak eta gainontzekoak.
- b) Bermeoko Udalak beste inoiz diru-laguntzaren bat emon badeutso, dirulaguntza horren kontra egindako gastuak justifikatuta eukitea.
- c) Hitzarmena sinatzen dan egunean tokiko zerga zorrak ordainduta daukiezala kreditatu beharko dabe. Bermeoko Udalak ziurtatuko dau puntu hau.
- d) Hitzarmena sinatzen dan egunean, egunean egotea betebeharrak fiskaletan eta Gizarte Segurantzari.
- e) Ezin izango da inolako dirulaguntza edo laguntzarik emon sexuaren ziozko bereizkeria eragiten dauen edonolako jardueratarako
- f) Emakumeen eta Gizonen berdintasunerako otsailaren 18ko 4/2005 Legearen arabera sexu-diskriminazioan erori izanagatik zigor- edo administrazio-arloko zigorra jaso ez izanaren aitorpena.

SEIGARRENA.- Dirulaguntzaren ordainketa eta egin beharrekoak.

Dirulaguntza kobratu ahal izateko, agiri honek aurkeztu beharko dira:

- a) IFK-ren kopia eta alkartearen estatutuak aurreko urteetan ez badira aurkeztu.
- b) Magurios 2019 ekitaldiaren txostena. Txostenean lehenengo atalean finkatutako xedeagaz egindako programa edota jardueran deskribapena jasoko da.



c) Jardueren sarrera eta gastuen balantzea aurkeztu beharko da, eta bertan agertu beharko da ze neurri ekonomikoz lagundu diran ekintzak aurrera eramateko (kuotak, bestelako dirulaguntzak, etab.) eta gastuen jatorria (ekitaldiak, azpiegitura, materialea, garraio gastuak,...).

d) 2019 urterako alkarteak Bermeorako daukazan aurrekontu eta gastuen aurreikuspena.

Izaro Bikers Bermeo taldeko presidentek sinatuta, udaleko Erregistro Orokorrean edo Erregistro laguntzaile batean, edo Herri Administrazioen Administrazio Prozedura Erkidearen 39/2015 Legeko 16.4. artikuluan jasotako bestelako erak erabiliz. Agiriak aurkezteko 10 laneguneko epea egongo da, hitzarmena sinatzen dan unetik zenbatzen hasita.

Dokumentazioaren aurkezpena egiterakoan ez bada aurreko puntuetan eskatutakoa zehatz beteten, interesdunak 10 eguneko epea izango dau akatsak zuzentzeko. Denpora tarte horretan ez badira zuzentzen, eskariari uko egiten jakola ulertuko da.

Agiri honek ez aurkeztea dirulaguntzea ukatzeko zioa izango da.

Dirulaguntza itzuli behar izatekotan, lege interesak gehituta itzuli beharko da.

ZAZPIGARRENA.- Bestelako sarrera edo dirulaguntzen bateragarritasuna.

Jasotako diru laguntza lortu daitekezan bestelako sarrera publiko zein pribatuek bateragarriak izango dira, beti be gain-finantzaketarik ez dagoen bitartean.

Hörrrela izanda Izaro Bikers behartuta egongo da bere finantzaketarako lortzen dauzan bestelako sarrera eta dirulaguntzen barri emotera eta, danatara %100etik gorako finantzaketarik lortzen badau, Bermeoko Udalari horren barri emoten, gain-finantzatutako kopuruak berreskuratzeko prozedurari hasiera emon daiezan.

Horrela egingo ez balitz, zigorra ipintzeko arrazoia izango litzake, itzuli beharreko kopurueri lege interesak aplikatzearen kalte barik.

ZORTZIGARRENA.- Euskerearen erabilerea.



- Herriaren hizkuntza ezaugarriak kontutan eukita, programak eta jarduerak euskeraz garatuko dira, erabiltzaileek hautatzen daberen hizkuntza ofizialean artatuak izateko daukeen eskubidearen kalte barik.

- Publizitatea eta komunikazio ekintzak euskeraz egingo dira bai ahoz, zein idatziz: argitaratzen diran programa, iragarki, ohar, kartel eta gainontzekoak euskeraz egingo dira. Euskerea ez dan beste hizkuntzaren bat erabiltekoan publizitate eta komunikazio ekintzetan, lehentasun osoa eukiko dau euskereak (3-1).

- Ekintzetan gaztelania erabili behar izatekoan, lehentasuna euskereak izango dau, letra tamaina handiagoa erabilita euskeraz, edo mezuak euskeraz gehiagotan errepikatuta.

- Euskerearen kalitatea bermatu beharko da aitatutako ahozko eta idatzizko ekintza guztietan, eta udaleko Euskera Sailaren laguntzea izango dau arraun alkarteak hizkuntza-aholkularitza eta laguntzea behar dauenean.

BEDERATZIGARRENA.- Debekatutako jarduera sexistak.

- Debeku da pertsonen sexuan oinarritzen den bereizkeria oro, zuzeneko zein zeharkakoa, edozein delarik ere hartarako erabilitako era.

- Ezin izango da adierazi, pertsonen, sexu batekoak edo besteak izateagatik, giza duintasun gutxiago edo gehiago dutela, ez eta objektu sexual soilak direla ere. Orobat, ezingo zaie zabalakudea eman emakumeen aurkako indarkeria justifikatu, horri garrantzia kendu edo horretara bultzatzen duten edukiei.

HAMARGARRENA.- Izaro Bikers Bermeo taldearen betebeharrak:

- Hitzarmen honetan jasotakoa betetea.
- Magurios konzentrazio publikoetan, Bermeoko Udalaren logoa agertzea.
- Bermeoko Udalarik lankidetzaren kontrola egiten izatea.
- Aurretik emondako dirulaguntza guztiak justifikatuta eukitea.



HAMAIKAGARRENA.- Jasotako diruaren justifikazioa.

- Gastuen eta sarreraren balantzea, gastuen ganeko faktura originalak edo fotokopia konpultsatuak aurkeztu behar dira. (Udaleko Berhaz bulegoan egiten dira konpultsak).

- Egiaztapena egin eta gero, originalak itzuli egingo dira. Ez da onartuko beste gastu batzuen justifikaziorik, horreek ez badabe balio dirulaguntzearen helburuak lortzeko.

- Emondako diru guztia gastatu ez bada, justifikazioa eginda, itzuli egin beharko da.

HAMABIGARRENA.- Hitzarmenaren jarraipenerako Batzordea.

Hitzarmenaren jarraipena egiteko Jarraipen Batzorde bat eratuko da, zeinetan erakunde bakotzeko ordezkari bik hartuko daben parte. Batzordea urtean bitan batzartuko da gitxienez.

HAMAHIRUGARRENA.- Hitzarmena ez betetzearen ondorioak.

Izaro Bikers Bermeo taldeak hitzarmen honetan jasotakoak ez betetzeak, dirulaguntza murrizteko edo kentzeko arrazoia izango da, Dirulaguntzak arautzen dauzan 38/2003 Legearen 37. artikulugaz bat eta, horretarako, lege bereko 42.a artikulua xedatzen dauan prozedura jarraituko da.

HAMALAUGARRENA.- Udalaren betekizunak, diru publikoaren erabilerari jagokonez.

Bermeoko Udalaren, bere aldetik, eta Diru-laguntzak arautzen dauzan 38/2003 Legearen aginduari jarraituta, honako eginkizunak beteko dauz:

- Emondako diru-laguntzearen kontrol egokiak egin, diru-laguntza oinarritzen daben helburua eta egintzak benetan burutu dirala ikusi ahal izateko.
- Lege berari jarraituta, diru-laguntzearen oinarriak bete ez dirala ikusten bada edota ez dirala era egokian justifikatu ikusi ezker, desbideratutako diru publikoa berreskuratzeko, egokiak diran prozedura eta espedienteak izapidetuko dauz, hamargarren atalean adierazotakoagaz bat.



HAMABOSGARRENA.- Hitzarmenaren iraupena.

Hitzarmen honek 2019. urtean eukiko dau eragina, aurreko atalean aitaturako ondorioak 2019. urtea amaituta izapidetu edota aplikatzearen kalte barik, beti be preskripzio epearen barruan.

HAMASEIGARRENA.- Arau-hauste legez hartuko dira jokabide honeek:

- Laugarren ataletik bederatzigarren atalera jasotako betebeharrak ez betetzea.
- Jasotako dirulaguntza ez justifikatzea horretarako emondako epean.
- Eskuratutako bestelako sarreraren barri ez emotea, bardin publikoak zein pribatuak izan.
- Gain-finantzaketarik balego, horren barri ez emotea edota itzuli beharreko kopuruak ez itzultzea.

Atal honen lehenengo lerroan jasotako arau-haustearen kasuan, onartutako dirulaguntza murriztea ekarriko dau zigor moduan, egindako ez betetzeen garrantziaren arabera kalkulatu dana, ez bada ez betetzeen larritasunagaitik dirulaguntza osorik itzultzea erabagitzen dala.

Beste hiru arau-hausteen kasuan, dirulaguntza osorik itzultzea ekarriko dau zigor moduan, eta hurrengo urteetan dirulaguntza barriak eskuratzeko ezintasuna suposatuko dau.

Zigor horreek ipinteko, hitzarmen honen hamargarren artikuluan adierazoten dan legez, 38/2003 legeak aurreikusitako prozedura jarraituko da eta, erabagia hartu orduko, interesdunari entzunaldia emoten jakola bermatuko da.

HAMAZAZPIGARRENA.- Aitorpen eta eskertasuna.

Alde biek alkarlana eta lankidetzaz aitortu eta eskertasuna agertzeko konpromisoa hartzen dabe, alkarregaz egiten dabezan ekimen eta programetan eta idazten dabezan agiritan. Hori horrela, alde bien parte hartzea espresuki agertuko dabe, eta erakunde bien logo edo ikurrak agertzeko dira.



HAMAZORTZIGARRENA.- Legedi aplikagarria.

Hitzarmen honeri honako legedia aplikatuko jako:

- Dirulaguntzak arautzen dauzan 38/2003 Legea.
- Dirulaguntzen Legearen Erregelamendua onartzen dauan 887/2006 Errege Dekretua.
- Zuzenbide administratiboko arau orokorrak.
- Zuzenbide pribatuko arau orokorrak.

Hori horrela, hitzarmenean aurreikusten ez dan guztirako, edozein zalantza argitu eta hitzarmena interpretatzeko, aitaturako legediak aurreikusitakoa jarraituko da zehatz.

HEMERETZIGARRENA.- Hitzarmenaren izaera administratiboa.

Hitzarmen honen izaera administratiboa da. Ondorioz, honen aplikazio edo interpretazioan hartzen diran erabakiak bide administratiboari amaiera emongo deuse eta zuzenean aplikagarriak izango dira, Administrazioaganazko Auzibidean errekurritzeko eskubidearen kalte barik.

Eta honela agertu daiten, honako hau emoten dabenez, agiri hau onartzen dabe, lau ale sinatuz, eragin bakarerrako.

ALKATEA



ARITZ ABAROA CANTUARIENSE

ALKATEZTZA

IZARO BIKERS TALDEA



EMILIO HORMAECHEVARRIA URIARTE

IDAZKARI OROKORRA



JURDANA URIARTE LEJARRAGA

